

صفة #العمرة

مطلق الجاسر

بسم الله الرحمن الرحيم الحمد لله رب العالمين والصلاة والسلام الايمان الاكاملان على المبعوث رحمة للعالمين نبينا محمد وعلى اله وصحبه اجمعين والتابعين لهم باحسان الى يوم الدين. وعنا معهم برحمتك يا ارحم الراحمين - [00:00:00](#)

اما بعد حياكم الله معشر الاحبة اه نتكلم ان شاء الله عن صفة العمرة راح اشرح بعد ما نخلص اي واحد عنده سؤال او استفسار يطرح

السؤال بعد ما نخلص - [00:00:17](#)

اول شي العمرة عبادة من العبادات العظيمة المتعلقة بمكة في عبادات ما لها شغل باي مكان مثل الصلاة اقدر اصلي بالكويت اقدر اصلي خارج الكويت في اي مكان صح وفي عبادة - [00:00:32](#)

لها تعلق بمكة ما تصير الا في مكة وهي الحج وشنو والعمرة العمرة باختصار شديد اللغة العربية بمعنى الزيارة فاحنا رايعين نزور بيت الله سبحانه وتعالى ليش بان المكان اللي رايعين له اللي هي مكة - [00:00:51](#)

والكعبة مكان مقدس الدعاء فيه مستجاب انت تطوف تسعة اي شي تبيه من الله سبحانه وتعالى تقدر تدعو تطلبه من الله عز وجل

فصفة العمرة باختصار اولاً قبل العمرة يستحب - [00:01:16](#)

اي واحد قبل لا يدخل في العمرة انه يتنظف يغتسل تمام طبعا العمرة الناس تروح له اما بسيارة او بطيارة. اللي يروح بسيارة يغتسل قبل الميقات كان السيل الكبير او غيره - [00:01:37](#)

اللي يروح بالطيارة يغتسل في بيتهم الصبح سبح كامل زين بنية شنو؟ الناس ستحرم في العمرة بعدين مستعدين في لبس الاحرام العمرة فيها شي اسمه الاحرام ما معنى الاحرام هو نية الدخول في في العمرة. نية الدخول في النسك - [00:01:58](#)

مثل تكبيرة الاحرام في الصلاة ليش سموها احرام؟ ولماذا سميت بالاحرام لان اذا دخلت فيها في اشياء كنت تقدر تسويها قبل الاحرام ما راح تقدر تسويها بعد الاحرام مثل تكبيرة الاحرام في الصلاة - [00:02:30](#)

شنو الاشياء اللي قبل لا تدخل في تكبيرة الاحرام في الصلاة تقدر تسويها بس بعد ما تدخل بتكبيرة الاحرام والصلاة ما تقدر تسويها مثل شنو لا بالصلاة ما تقدر تاكل صح؟ قبل لا تقول الله اكبر بالصلاة - [00:02:49](#)

انت تقدر تاكل بس اذا قلت الله اكبر ما يصير تاكل وبعد ما يصير تشرب يصير تسولف عافية هذي اشياء محظورات الصلاة يعني الممنوعات اذا كبرت يسمونه تكبيرة الاحرام لانها تحرم - [00:03:09](#)

وتمنع اشياء كانت مسموحة قبل التكبير حلو نفس الشي في العمرة العمرة في شي اسمه الاحرام لما ادخل في هذا الاحرام في اشياء اقدر اسويها قبل الاحرام تصير محرمة وممنوعة بعد الاحرام - [00:03:33](#)

واضح اول شي شنو هذي الاشياء؟ خنعتها مع بعض رقم واحد ما يصير تقلم اظافرك ما يصير تقص اظافرك تمام؟ هذا واحد اتنين ما يصير تقص شعرك من اي مكان في من من جسمك - [00:04:00](#)

ما يصير تقص في شعرك هذا رقم اثنين رقم ثلاثة ما يصير ممنوع تلبس ملابس مفصلة على الجسم يسمونها المخيط يعني شنو الان هذي الدشداشة مفصلة على الايد لها تشم - [00:04:25](#)

صح والجسم راح تشم السراويل والبنطلونات مفصلة على القدم صح هذا المفصل على القدم يسمون المخيط لما تحرم ممنوع تلبس اشياء مفصلة على الجسم مسموح انك تلبس الاحرام تعرفونه الاحرام اكيد - [00:04:44](#)

هو عبارة عن قطعتين الازار والرداء ممنوع تلبس شيه تحت الازار ولا شيه تحت الرداء واضح غطي اسفل الجسم الازار وثبته عدل

عشان ما يطيح وتغطي اعلى الجسم اللي يسمونه الرداء - [00:05:07](#)

زين. عليكم السلام ورحمة الله علشان يغطي اعلى الجسم واضح يا شباب هذا يسمونه شنو؟ لبس المخيط هذا رقم ثلاثة رقم اربعة ما يصير تغطي راسك بشيء يلاصق الرأس يعني ما يصير تلبس طاقية - [00:05:33](#)

ما يصير تلبس كبوس ما يصير تلبس شيء يغطي راسك او قطرة اول شيء من هذا القبيل حلو هذا تشم صار؟ اربعة خمسة ما يصير تتعطر ما يصير تحط عطر - [00:05:56](#)

سواء كان العطر دهن او بخاخ او اي نوع من انواع العطور انزين قبل لا تحرم يصير تتعطر انزين اذا تعطرت قبل لا تحرم وبعدين احرمت راح يبقى بجسمك عطر صح؟ - [00:06:13](#)

عادي ولا مو عادي عادي بالعكس اصلا من السنة قبل لا تحرم انك تتعطر بجسمك وحتى لو بقى في جسمك شيء من الرائحة بعد الاحرام ما في مشكلة بس ممنوع بعد ما تحرم - [00:06:27](#)

شنو انك تتعطل ستة حضور رقم ستة وهذا يمكن احنا اصلا مو متيسر لنا. اللي هو الصيد ممنوع تصيد ممنوع تصيد باي نوع من انواع الصيد. تضحك يوسف شو ناوي تصيد شنو؟ ها؟ - [00:06:43](#)

انزين هذا ستة في سبعة ممنوع تتزوج واحد منكم ناوي يتزوج خليه يراجع نفسه ممنوع تعقد عقد زواج المحرم لا يتزوج وكذلك ممنوع ما بعد الزواج من اثاره تتعلق بالزواج - [00:07:01](#)

هذي يسمونها شنو؟ محظورات الاحرام اللي يسافر بالعمرة بالطيارة يكون مستعد قبل لا يمر على الميقات في شيء اسمه الميقات ما معنى الميقات الميقات هي اماكن دار مدار مكة في شيء اسمه المواقيت - [00:07:21](#)

في ميقات المدينة اسمه ميقات ذو الحليفة في ميقات جهة نجد اسمه ميقات السيل الكبير وفي ميقات جهة اليمن اسمه يللم في ميقات اهل الشام اسم الجحفة اماكن معينة معروفة - [00:07:43](#)

اللي يبي يعتمر ومتوجه الى مكة بسيارة او بطيارة او باي وسيلة من وسائل النقل لا يجوز له ان يعبر احد هذه المواقيت الا وهو شنو محرم فلما احنا نكون بالطيارة راح تلقى الطيار يعلن يقول احنا سنمر - [00:08:01](#)

على الميقات الساعة الفلانية فانت المفروض تكون شنو مستعد قبلها في طريقتين في طريقة تلبس الاحرام كامل من المطار كيفك وفي طريقة انك تلبس الاحرام السفلي يعني تلبس اللي تحت من البيت عشان تلبسه على راحتك - [00:08:23](#)

وتلبس فوقه الدشداشة الو لما تكون بالطيارة يقول لك الطيار باقي على مثلا الميقات عشر دقائق تقط شداشتك وفانلتك وتلبس شنو الاحرام اللي فوق اللي يسمونه الرداء تكون جاهز اهم شي - [00:08:46](#)

ما يمر على الميقات الا وانت شنو محرم قبل لا يمر على الميقات لما يقول لك والله خلال خمس دقائق سنمر على الميقات قبل المرور بدقيقة علشان المرور سريع راح يكون - [00:09:07](#)

قبلها بدقيقة تقول شنو لبيك اللهم بعمرة لبيك اللهم بعمرة اذا قلت لبيك اللهم بعمرة انت احرمت شنو يعني احرمت يعني بمجرد ما تقول هالكلمة شفتوا الاشياء اللي قلناها قبل شوي - [00:09:21](#)

الطيب والاظافر وها كلها تصير حرام عليك يسمونها محظورات الاحرام ما يصير تغطي راسك تعطر ولا تقص شعرك ولا اظافرك ولا والي قلناك اللي يسمونه محظورات الاحرام طبعاً بالنسبة للنساء - [00:09:41](#)

ما معنا احنا نساء لكن ما دام انه مسجل ممكن يكون في احد يسمع هذا المقطع فيما بعد المرأة ممنوعة ان تنتقب تلبس نقاب ممنوع ان تلبس القفازين لذلك المرأة اذا اراد ان تحرم - [00:09:58](#)

النقاب وتغطي الوجه بالغطوة او البوشية يسمونها تمام؟ وممنوع تلبس القفازات. تبي تغطي ايدها تغطي ايدها بطرف عباتها تمام لكن المرأة تقدر تلبس مخيط الرجل ما يصير يلبس مخيط. المرة لا ما يصير لازم تلبس مخيط - [00:10:13](#)

انزين المرة تصير تتعطر ما يصير تتعطر ولا تقص اظافرها ولا شعرها. الفرق بينها وبين الرجل شغلتي انها تلبس مخيط وتغطي راسها باقي الاشياء نفس الرجل حلو يعني ممنوع تقص شعرها ولا اظافرها ممنوع الصيد ممنوع تعقد النكاح الى اخره - [00:10:34](#)

واضح عدينا الميقات وقلنا لبيك اللهم بعمره شيصير السمنة؟ مح حلو شنو المطلوب من تحرم الين توصل الى مكة شتسوي ما
معنى تليي اكرر التلبية التلبية لبيك اللهم لبيك لا لبيك لا شريك لك لبيك ان الحمد - [00:10:59](#)
والنعمة لك والملك لا شريك لك كثر ما تقدر تقولها قولها تقولها تردد ما معنى لبيك لازم نفهم معناها لبيك يعني استجابة لك يعني
المفروض في بعض احنا بالكويت يمكن قليل نقولها لكن - [00:11:29](#)
في لهجات مثل ما الاب يناديك في بعض اللهجات يقولون لبيك لبيه لبيه يعني شنو سمعتوها بعض اللهجات لبيه لبيه يعني شنو يعني
استجبت لك يعني كاني يعني انا حاضر - [00:11:50](#)
احنا نقول لله سبحانه وتعالى لبيك اللهم لبيك يعني شنو يعني احنا كانوا جاهزين احنا مستجيبين يا رب لبيك اللهم لبيك. يعني
استجابة لك بعد استجابة لبيك لا شريك لك لبيك - [00:12:08](#)
يعني احنا نعبدك ولا نعبد غيرك ان الحمد والنعمة لك والملك. يعني النعم اللي الله سبحانه وتعالى اعطانا اياها كلها ننسبها الى الله اللي
يسر لنا الصحة العافية يسر لنا طياراتنا نركبها يسر لنا اكل ناكله شرب نشربه. وان تعدوا نعمة الله لا تحصوها. ان الحمد والنعمة لك
والملك لك - [00:12:25](#)
لا شريك لك وصلنا الى مكة اول ما نوصل الى مكة اول شي قبل لا نتكلم عن نوصل مكة. لما تكون محرم هل لازم تكون على وضوء
لازم ولا مو لازم - [00:12:49](#)
مو لازم يعني اذا واحد يقول اخ انا احرمت وانا مو على وضوء علي شيء لكن قبل لا تبدأ بالطواف لازم تكون شنو على وضوء يعني
الطواف لابد يشترط فيه ان تكون على طهارة لابد ان تكون على وضوء مثل الصلاة - [00:13:08](#)
وصلنا الى نعم لازم تكون على وضوء لين تخلص الطواف كله ضروري اما السعي لا السعي بين الصفا والمروة لا يشترط ان تكون على
وضوء الطواف لازم تكون على وضوء - [00:13:29](#)
انزين وصلنا الى الحرم طبعاً نتأكد ان حنا على وضوء مستعدين ندخل الحرم اول ما ندخل الحرم شنقول دعاء دخول اي مسجد بسم
الله كم دعاء دخول المسجد بسم الله - [00:13:49](#)
والصلاة والسلام على رسول الله اللهم افتح لي ابواب رحمتك اعوذ بالله العظيم وبوجهه الكريم وسلطانه القديم من الشيطان الرجيم.
هذي اذكار لازم تحفظونها حد لازم يشوف لنا طريقة في الرحلة - [00:14:06](#)
حفظهم الازكار هذي. انزين بعدين لما نشوف الكعبة ايضاً دعاء قل اللهم انت السلام ومنك السلام فحينا ربنا بالسلام بعدين شنسوي؟
ركزوا معاي نطلع الكتف الايمن الحين المفروض احنا حرامنا تشذي صح - [00:14:23](#)
لما نوصل الى الكعبة قبل لا نبدي بالطواف ننزل الاحرام عن الشفت الايمن والنزلة من تحت ونقطه على الشفت الايسر هذا شيسمونه
هذا الفعل ايه انت ايه ايوه ايه الابط - [00:14:46](#)
لأ تجويد هاي دخلنا عالتجويد يسمنونه الاضطباع ماشي اطلع شتفي الايمن واروح الى الحجر الاسود. طبعاً الكعبة كما
تعلمون عبارة عن يعني مكعبة لفترض ان هذه الكعبة في هني شي اسمه الحجر الاسود - [00:15:14](#)
وهنا اللي هو يم باب الكعبة تمام؟ وحاطين علامة ليت اخطر داخل الحرم عشان يبين ان ترى هذا هو الحجر الاسود هذا الناس تبي
الطواف منه نمشي نمشي لين نوصل للحجر الاسود. بعدين - [00:15:39](#)
نستقبل الحجر الاسود نرفع ايدنا ونقول شنو؟ بسم الله والله اكبر وبعدين شنو نمشي تصير الكعبة على يسارك ولا يمينك لا منو قال
على يمينك على يسارك الكعبة على يسارك - [00:15:56](#)
وتبدي بالطواف اذا كان في سعة في مساحة في سنة في اول ثلاث اشواط في الطواف وهي المشي السريع يسمنونه الرمل سمونة
الرمل. الرمل بمعنى شنو المشي السريع اذا تيسر وكان في سعة - [00:16:16](#)
وكان في فراغ راح نطبق هذه السنة اللي هي يسمنونها الرمل. بس اول ثلاث اشواط اللي هو ماشي سريع واذا ما في زحمة وكذا مو
لازم. لان هذي سنة وليس واجبة - [00:16:38](#)

حلو يا شباب سنبدأ شنو نقول واحنا نطوف؟ في شيه معين ما في شيه معين لازم تقوله وان كان هناك مثلا ادعية وردت عن بعض الصحابة اللهم ايماننا بك واتباعا لنبيك ووفاء بعهدك - [00:16:52](#)

واتباعا لنبيك محمد صلى الله عليه وسلم وبعدين تدعو باللي تبيه وانا انصحكم تجهز انت في ذهنك اشياء انت تبيهها من الان علشان ما تدش وانت تطوف ما تدري ايش تقول - [00:17:12](#)

لا خلك مستعد في ناس شيسوون؟ طبعا لما تبدي بالطواف راح تشوف اشكال والوان راح تشوف هذا افريقي وهذا ابيض وهذا اشقر وهذا طويل وهذا قصير. وهذا شعره مدري شلون صاير. صح؟ - [00:17:30](#)

دير بالك تنسى الطواف وتركز بالناس دير بالك خلك مركز في طوافك. ما له شغل بالناس لان اذا قعدت تطالع الناس تركز تطالع هذا طويل وهذا ابيض وهذا قصير وهذا ما ادري شنو - [00:17:50](#)

يخلص الطواف وما استفد شي ركز في ذكرك ركز في طوافك وفي دعائك تمام لما تطوف طبعا هني الحجر الاسود صح هني راح تلقى سور صغير تعرفونه شيسمونه هذا لا - [00:18:08](#)

مقام ابراهيم اللي هو القبة الذهبية الصغيرة. اللي عند عند الباب مو مقام ابراهيم لأ في هني سور اه مثل القوس بيظاوي شيسمونه في ناس تصلي فيه لا الصحن كل الطواف يسمنونه صحن. لا هذا البيظاوي شيسمونه - [00:18:29](#)

يسمنونه الحجر وبعض الناس يسمنونه حجر إسماعيل هذا ترى داخله داخل الكعبة يعني داخل اللي داخل السوق السوق الصغير يعتبر الكعبة الو فلازم تعدي من من ورا. هم اصلا ما يسمحون لك تطوف من داخل لازم تطوف من ورا - [00:18:53](#)

عدي هذا الحجر توصل الى الزاوية اللي قبل الحجر الاسود احسن يسمنونه ركننا يمانى بين الركن اليماني وبين الحجر الاسود في ذكر تقوله ايوة احسنت. هني شو نقول؟ ربنا اتنا في الدنيا حسنة - [00:19:15](#)

وفي الاخرة حسنة وقنا عذاب النار فاذا خلصت يعتبر طفت شنو شوط واحد يسمنونه لما توصل هني خلصت الشوط الاول وراح تبدي بالشوط الثاني شتسوي ايضا نفس ما سويت في البداية - [00:19:36](#)

قول بسم الله والله اكبر او تقول الله اكبر بس وتكمل. وهكذا جم مرة؟ سبع مرات ولا تنسى لا تلخبط يعني خلك مثبت عشان ما تطيع انا طفت هذا الحين انا خمسة ولا اربعة انا ستة ولا - [00:19:55](#)

دير بالك انزين اذا ضيعت قلت انا خمسة ولا اربعة شتسوي تبدي بتخليها الاقل نقول خلاص هي اربعة وتكمل خمسة تمام اخر شوط اللي هو السابع لما تخلص ما تقول شي - [00:20:13](#)

تعدي عادي من الحجر من الحجر الاسود وتغطي كتفك المفروض فاتح شتفك صح؟ اول ما تعدي تغطي كتفك وتروح خلف مقام إبراهيم اذا كان في سعة مع انه في الغالب راح يكون زحمة. فمو لازم تدخل في مقام ابراهيم - [00:20:31](#)

اي مكان في الحرم تقدر تصلي فيه لان الله سبحانه وتعالى يقول واتخذوا من مقام ابراهيم مصلى في ساعة كان بها. ما في سعة تروح ورا اهم شي ما تظايق الناس. في ناس راح تشوفونهم - [00:20:52](#)

يعتقدون ان لازم اصلي هني فالناس تدوس عليه يعطل الناس يضيق على الناس مو مهم هذا غلط كبير وخر عن الناس عشان ما تضايقهم بعدين شنسوي؟ نصلي شنو؟ - [00:21:04](#)

ركعتين نقرا في الركعة الاولى بعد الفاتحة شنو قل يا ايها الكافرون وفي الركعة الثانية قل هو الله احد هذا ركعتين يسمنونها ركعتي الطواف عقب ما نخلص وبين نروح نروح نشرب ماي زمزم - [00:21:18](#)

في مكان مكان زمزم. نشرب ماي تغسل غسل ايدك تشرب والنبي عليه الصلاة والسلام يقول ماء زمزم لما شرب له بعدين نروح وين الى السعي نروح الى الصفا السعي عبارة عن جبلين - [00:21:38](#)

جبل اسمه الصفا وجبل اسمه المروة نبدي من وين من الصفا واحنا رايعين نقراً قول الله جل وعلا ان الصفا والمروة من شعائر الله فمن حج البيت او اعتمر فلا جناح عليه ان يطوف - [00:21:58](#)

بهما ومن تطوع خيرا فان الله شاكر عليم ونصعد على جبل الصفا ونتوجه جهة الكعبة طبعا يمكن ما راح تبين الكعبة سبب الاعمدة

الموجودة وممكن تبين ما ادري وبعدين شنسوي - [00:22:15](#)

نقول الله اكبر الله اكبر الله اكبر ثلاث مرات بعدين نقول لا اله الا الله وحده لا شريك له له الملك وله الحمد وهو على كل شيء قدير. لا

اله الا الله وحده - [00:22:33](#)

انجز وعده ونصر عبده وهزم الاحزاب وحده بعدين ترفع ايديك وتدعو تدعو بشنو اللي تبنيه ما في شي معين نزل ايديك. وتعيد مرة

ثانية الذكر اللي قبل شوي. لا اله الا الله - [00:22:48](#)

وحده لا شريك له له الملك وله الحمد وهو على كل شيء قدير. لا اله الا الله وحده انجز وعده ونصر عبده وهزم الاحزاب وحده. ترفع

ايديك مرة ثانية وتدعو - [00:23:08](#)

ادعوا مرتين نزل ايديك بعدين تقول الدعاء اه ذكر ثلاث المرة الثالثة لا اله الا الله وحده لا شريك له له الملك وله الحمد وهو على كل

شيء قدير لا اله الا الله وحده انجز وعده ونصر عبده وهزم الاحزاب وحده. بعدين تبدي بشنو - [00:23:20](#)

في السعي اول ما تبدي من السعي راح تلقى لوتين خضر شنسوي فيهم نركض يعني نهول الليتين الخظر ذكروني بعدين اقول لكم

شنو قصتهم لها قصة سولف فيها بعدين ان شاء الله - [00:23:38](#)

نركض بين العلمين الاخضرين بعد العلم الاخطر الثاني انكمل عادي ما في دعاء معين تدعو تذكر الله تقرا قرآن لين توصل وين اخر

الشوط اللي هو يسمونه المروة تصعد على المروة وتقول نفس الذكر اللي قبل شوي لا اله الا الله وحده لا شريك له له الملك وله الحمد

وهو على كل شيء قدير - [00:23:59](#)

لا اله الا الله وحده انجز وعده ونصر عبده وهزم الاحزاب وحده ثم تدعو تفعل ذلك ثلاث مرات وترد مرة ثانية الى الصفا لا الركن بس

بين اللتين الاخضرين تمام - [00:24:23](#)

الروحة شوط والرد ده صار شوطين بعدين من الصفا الى المروة الشوط الثالث وهكذا لين تكملها جم السابع وين راح تكون لأ عند

المرأة انت تشذي تكون خلصت العمرة باقي لك شي واحد بس. وهو شنو - [00:24:38](#)

الحلق او التقصير يعني انك تحلق موسى والموس افضل الموس شنو افضل في ناس ما تبني موسى زين النبي عليه الصلاة والسلام دعا

للمحلقين ثلاثة ودعا للمقصرين مرة وحدة التقصير يجوز انك بس لما تقصر يعني تقص بالمقص لازم من كل راسك - [00:25:03](#)

مو شعرة مني وشعرة مني وشعرة مني لا لازم راسك اذا حلقت موسى يكون افضل بمجرد ما تحلق الموس خلاص يقولون تحللت

يعني اللي قلناهم الاشياء اللي قلناهم قبل شوي - [00:25:31](#)

محظورات الاحرام خلاص صارت عادي تتعطر طيب قص شعرك تسوي كذا كذا واضح يا شباب حياك الله حبيبي فهذي باختصار

العمرة واضح يا شباب؟ انزين. جزاكم الله خيرا. الله يحفظكم ان شاء الله - [00:25:50](#)